

museum
National Museum of Ireland
Ard-Mhúsaem na hÉireann

Coimeádaí Cúnta Grád II
Roinn Oideachais
Ard-Mhúsaem na hÉireann

LEABHRÁN EOLAIS

National Museum of Ireland

Tá iarratais á lorg ag Ard-Mhúsaem na hÉireann ó iarrthóirí oiriúnacha chun post mar Choimeádaí Cúnta Grád II - Roinn Oideachais, a líonadh. Post buan lánaimseartha é seo. Líonfar an post seo tar éis agallamh iomaíoch. Bunófar painéal ag deireadh an chomórtais. Mairfidh an painéal 18 mí ó dháta a bhunaithe.

Teideal an phoist

Coimeádaí Cúnta Grád II - Roinn Oideachais.

Suíomh

Beidh an té a cheapfar ag obair sa **Roinn Oideachais d'Ard-Mhúsaem na hÉireann, Seandálaíocht, Sráid Chill Dara, Baile Átha Cliath 2** nó in aon láthair eile d'Ard-Mhúsaem na hÉireann faoi mar a d'fhéadfaí a ainmniú ó am go chéile. Beifear ag súil go n-oibreoidh an té a cheapfar ar an láthair agus go cianda i bhfianaise na comhairle sláinte poiblí sa phainéal reatha.

Uaireanta oibre

Seachtain oibre idir Dé Máirt agus Dé hAoine atá i gceist, mar aon le Dé Sathairn, Dé Domhnaigh nó Dé Luain. Cuid riachtanach de théarmaí agus coinníollacha na fostaíochta sa phost seo is ea oibriú ar an Satharn, an Domhnach nó an Luan, agus socraítear é ar bhonn uainchláir.

Ag tuairisciú do

Tuairisceoidh an té a cheapfar don Stiúrthóir Oideachais agus For-rochtana in Ard-Mhúsaem na hÉireann - Seandálaíocht.

Freagrachtaí an Phoist

Is é ról shealbhóir an phoist oibriú leis an Oifigeach Oideachais & For-rochtana agus leis an bhFoireann Oideachais san Ard-Mhúsaem - Seandálaíocht, i dteannta le Foireann Oideachais ghinearálta an Mhúsaeim maidir le cláir, acmhainní agus seirbhísí ag Ard-Mhúsaem na hÉireann -Seandálaíocht a dhearadh, a fhorbairt, a sheachadadh agus a mheas. .

Dualgais agus Cúraimí

Beidh an té a cheapfar freagrach as:

- Forbairt agus bainistíocht clár, fíorúil agus ar an láthair, spreagtha ag na bailiúcháin seandálaíochta - lena n-áirítear imeachtaí, ceardlanna agus cláir turais, agus tionscadail agus acmhainní
- Taighde agus meastóireacht ar chláir agus ar sheirbhísí
- Comhpháirtíochtaí le comhpháirtithe lárnacha a fhorbairt agus a chothabháil
- Buiséid a bhainistiú
- Painéal de threoraithe neamhspleácha a bhainistiú
- Príomhspásanna foghlama agus trealamh a bhainistiú agus a dhearadh
- Bainistíocht laethúil na Roinne Oideachais agus For-rochtana nuair is gá agus faoi stiúir agus mhaoirseacht an Oifigigh Oideachais agus For-rochtana.
- Ábhar a fhorbairt timpeall an chláir poiblí le húsáid i gcumarsáid le lucht féachana agus éisteachta ag úsáid ardáin agus uirlisí cumarsáide éagsúla mar an suíomh Gréasáin.

National Museum of Ireland

- A chinntiú go gcloítear le gnáthaimh maidir le Measúnú Riosca, Sláinte & Sábháilteacht agus Cosaint Leanaí.
- Obair ghinearálta riaracháin a dhéanamh maidir le cláir agus gníomhaíochtaí oideachais.
- Comhordú, agus oibriú le daoine eile, ar thionscadail ar fud an mhúsaem agus oibriú i gcomhar le ranna eile den Ard-Mhúsaem chun príomhchuspóirí a bhaint amach
- Feidhmiú mar ionadaí d'Oifig Oideachais agus For-rochtana agus don Cheannasaí Oideachais nuair is gá.
- Gníomhú mar ambasadóir/ionadaí don Ard-Mhúsaem nuair is gá ag imeachtaí cultúrtha ar fud na tíre.
- Aon dualgas eile a d'fhéadfadh Bainistíocht na Roinne Oideachais a shannadh ó am go chéile a chomhlíonadh.

Sonraíocht Phearsanta

Riachtanach

- Cáilíocht tríú leibhéal i gceann amháin nó níos mó de na réimsí seo a leanas: oideachas agus foghlaim músaem, seandálaíocht phoiblí nó pobail, stair phoiblí, oideachas, seandálaíocht, stair na healaíne, oidhreacht, stair.
Nó taithí chúig bliana ar a laghad ar fhoghlaim agus oideachas músaem agus ar chláir foghlama dírithe ar lucht féachana a cheapadh.
- Dhá bhliain ar a laghad de thaithí ghairmiúil i gceann amháin nó níos mó de na réimsí seo a leanas: Oideachas Músaem, Seandálaíocht Phoiblí & Pobail, Oideachas Oidhreachta, Stair Phoiblí, Clárú Cultúrtha Poiblí, srl.
- Taithí ar chláir, tionscadail agus acmhainní foghlama a fhorbairt, le agus do scoileanna, do mhic léinn tríú leibhéal, teaghlaigh, daoine fásta, pobail éagsúla agus lucht féachana eile den mhúsaem.
- Scileanna bainisithe tionscadail, riaracháin, comhordaithe agus eagraíochtúla den scoth.
- Scileanna cumarsáide idirphearsanta agus foirne den scoth agus an cumas oibriú as a stuaim féin.
- Dea-scileanna cumarsáide, lena n-áirítear scileanna scríbhneorieachta, eagarthóireachta agus cur i láthair
- Taithí ar obair i gcomhpháirtíocht le raon comhpháirtithe laistigh den mhúsaem, agus le heagraíochtaí comhpháirtíochta seachtracha agus le pobail.
- Scileanna TF den scoth - eolas maith oibre ar phacáistí bogearraí mar Word, Excel agus Access, agus ar TF a úsáid chun imeachtaí agus acmhainní ar líne a fhorbairt agus a sheachadadh, agus chun cumarsáid a dhéanamh leis an bpobal.
- Cumas léirithe chun spriocanna ama a chomhlíonadh agus fócas a choimeád faoi bhrú oibre
- An cumas a bheith solúbtha i dtimpeallacht ghnóthach oibre.

Inmhianaithe

- Eolas ar na bailiúcháin agus na taispeántais in Ard-Mhúsaem na hÉireann – Seandálaíocht.
- Eolas ar an nGaeilge.

National Museum of Ireland

- Eolas ar earnáil an oideachais chultúrtha in Éirinn.
- Eolas ar ról na músaem sa tsochaí.
- Eolas ar thaighde i réimse an oideachais agus na foghlama cultúrtha.

An Próiseas Roghnúcháin

I gcás go bhfaightear i bhfad níos mó iarratas ná mar is gá chun an folúntas reatha agus aon fholúntas eile a mheastar a thíocfaidh chun cinn i dtréimhse an phainéil a líonadh, is féidir go gcuirfidh Ard-Mhúsaem na hÉireann próiseas gearrliostaithe i bhfeidhm faoina n-iarrfar ar roinnt iarrthóirí dul faoi agallamh ar bhonn an eolais atá tugtha acu ar a bhfoirmeacha iarratais. Ní hionann sin agus a rá go bhfuil na hiarrthóirí eile neamhoiriúnach, nó nach bhféadfaidís an obair a dhéanamh, ach go bhfuil iarrthóirí eile ann ar an ócáid seo atá níos cáilithe, ar bhonn an eolais atá tugtha acu, agus/nó go bhfuil taithí níos ábhartha acu.

Ní aisíocann Ard-Mhúsaem na hÉireann aon chostas a ghabhann le taisteal chun agallaimh.

Riachtanais Saoránachta

Seo na grúpaí saoránach a cháilíonn:

- (a) Saoránaigh den Limistéar Eorpach Eacnamaíoch. Ballstáit an Aontais Eorpaigh mar aon leis an Íoslainn, an Iorua agus Lichtinstéin atá i gceist leis an LEE; nó
- (b) Saoránaigh den Eilvéis de bhun comhaontú idir an AE agus an Eilvéis ar shaorghluaiseacht daoine; nó
- (c) Saoránaigh nach saoránaigh LEE iad ach ar céile nó leanbh de chuid saoránach LEE nó saoránach Eilvéiseach iad agus víosa stampa 4 acu; nó
- (d) Daoine a bhfuil cosaint idirnáisiúnta á fháil acu faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 acu; nó
- (e) Saoránaigh nach saoránaigh den LEE iad ach ar tuismitheoirí leanbh cleithiúnach iad nó saoránaigh de chuid bhallstát LEE nó den Eilvéis, a bhfuil cónaí orthu i dtír LEE nó san Eilvéis, agus a bhfuil víosa stampa 4 acu.

Ní mór d'iarrthóirí ceann amháin de na critéir shaoránachta thuas a chomhlíonadh faoin lá a dtairgtear post dóibh.

Nóta maidir le saoránaigh RA Deimhníodh san idirbheartaíocht AE/Breathimeacht RA a cuireadh i gcrích le déanaí go bhfuil Comhaontú an Chomhlímistéir Thaistil le fada an lá idir an RA agus Éire gan athrú tar éis an Bhreathimeachta. Dá réir sin, tá saoránaigh na RA incháilithe chun obair agus cónaí in Éirinn gan srian agus, dá bharr sin, iarratas a dhéanamh chun dul san iomaíocht don chomórtas seo i gcás ina gcomhlíonann siad na critéir incháilitheachta cáilitheacha eile go léir. Gheofar tuilleadh faisnéise maidir leis an gComhlímistéar Taistil [anseo](#).

Scéim Luathscóir Dhreasaithe (ISER):

Is coinníoll é den Scéim Luathscóir Dhreasaithe (ISER), mar atá sé leagtha amach in Imlitir 12/09 na Roinne Airgeadais, go gcoisctear daoine atá ar scor faoin scéim sin ó chur isteach ar aon phost eile san fhostaíocht nó san earnáil chéanna. Mar sin, ní ghlacfar le hiarratais ó dhaoine atá ag baint leas as an scéim sin.

Imlitir (7/2010) na Roinne Sláinte agus Leanaí:

Le hmlitir (7/2010) na Roinne Sláinte agus Leanaí den 1 Samhain 2010 tugadh isteach Scéim Spriocdhírthe um Luathscor Deonach (VER) agus Scéim Iomarcaíochta Deonai (VRS). Is coinníoll den scéim VER é nach gcáileoidh daoine a bhaineann leas as an scéim le cur isteach ar athfhostaíocht san earnáil sláinte phoiblí nó san earnáil phoiblí i gcoitinne, nó i gcomhlacht a mhaoinítear go hiomlán nó go páirteach as cistí poiblí. Tá feidhm ag an gcosc céanna ar athfhostaíocht faoin scéim VRS ach ní mhairfidh an cosc ach go ceann seacht mbliana agus caithfidh an tAire Caiteachais Phoiblí agus Athchóirithe toiliú a

National Museum of Ireland

thabhairt i gcás aon athfhostaithe ina dhiaidh sin. Daoine a bhain leas as aon cheann den dá scéim sin, ní cháileoidh siad chun dul isteach sa chomórtas seo.

Comhaontú Comhchoiteann: Íocaíochtaí Pinsin le Seirbhísigh Phoiblí

Le litir dar dáta an 28 Meitheamh 2012 chuig oifigigh pearsanra, thug an Roinn Caiteachais Phoiblí agus Athchóirithe isteach Comhaontú Comhchoiteann, le héifeacht ón 1 Meitheamh 2012, a rinneadh idir an Roinn Caiteachais Phoiblí agus Athchóirithe agus Coiste Seirbhísí Poiblí Chomhdháil na gCeardchumann maidir le híocaíochtaí iomarcaíochta ex-gratia do sheirbhísigh poiblí. Is coinníoll é den chomhaontú comhchoiteann nach gcáileoidh daoine a bhain leas as an gcomhaontú seo le cur isteach ar athfhostaíocht sa tseirbhís poiblí nó in aon chomhlacht seirbhíse poiblí (mar a shainítear iad sna hAchtanna um Bearta Airgeadais Éigeandála ar Mhaithe le Leas an Phobail, 2009-2011) go ceann dhá bhliain ó dheireadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe de dhíth sula n-athfhostaítear an t-iarrthóir. Daoine a bhain leas as an scéim seo agus a d'fhéadfadh áit a bhaint amach sa chomórtas seo, beidh orthu a chruthú go gcáilíonn siad chun an post a ghlacadh (deireadh a bheith tagtha leis an tréimhse neamhcháilitheachta) agus beidh toiliú an Aire de dhíth sular féidir glacadh le haon fhostaíocht le comhlacht seirbhíse poiblí.

Dearbhú: Iarrfar ar iarratasóirí a dhearbhu cibé ar bhain siad leas roimhe seo as aon scéim luathscoir dhreasaithe seirbhíse poiblí. Beidh ar iarratasóirí a dhearbhu, leis, cibé an bhfuil aon teidlíocht acu ar phinsean seirbhíse poiblí (atá á íoc nó atá forchoimeáda) ó aon fhostaíocht seirbhíse poiblí eile agus/nó an bhfuair siad íocaíocht in áit seirbhíse in aon fhostaíocht seirbhíse poiblí.

National Museum of Ireland

TREORACHA CHUN IARRATAS A DHÉANAMH

Ní mór an t-iarratas a dhéanamh sa roinn folúntas de shuíomh gréasáin an Ard-Mhúsaem:
<https://www.museum.ie/en-IE/About/Careers/Vacancies>

Iarrtar ar iarratasóirí foirm iarratais a líonadh isteach agus CV suas chun dáta agus litir chlúdaigh a chur isteach leis. Caithfear gach ceist ar an bhfoirm iarratais a fhreagairt agus iad a chlósscríobh. Ní ghlacfar le hiarratais lámhscríofa.

Iarraimid ort gach ceann de na trí dhoiciméad a chomhcheangal agus a chur isteach i bhfoirm PDF amháin

Mura ndéantar, féachfar air mar iarratas neamhiomlán agus ní chuirfear san áireamh é.

Tosaigh an próiseas iarratais ar leathanach [Vacancies](#).

Céimeanna chun Iarratas a Dhéanamh:

- Gabh chuig an leathanach Folúntais agus roghnaigh an post ar mian leat cur isteach air.
- Léigh sonraí iomlána an phoist sa Leabhrán Eolais.
- Feicfidh tú na doiciméid atá riachtanach do d'iarratas i bhfoirm nasc ar an leathanach seo.
- Cliceáil gach doiciméad agus osclóidh sé i bhfuinneog nua. Déan gach doiciméad a íoslódáil/a shábháil ar do ríomhaire/ar do ghléas.
- Líon isteach na doiciméid riachtanacha, agus déan PDF amháin de na doiciméid, do CV agus do litir chumhdaigh.
- Agus é sin déanta, fill ar shuíomh gréasáin an Ard-Mhúsaem agus críochnaigh an próiseas iarratais.
- Arís, ón leathanach [Folúntais](#) roghnaigh an post is mian leat cur isteach air.
- Cliceáil an cnaipe **Apply Now**.
- Líon isteach an fhoirm.
- Uaslódáil do PDF aonair cumasctha.
- Líon isteach an tseiceáil CAPTCHA agus cliceáil ar **Submit Your Application**.

Iarrtar ort **seoladh ríomhphoist bailí monatóirithe** a thabhairt ar an bhfoirm iarratais. Úsáidfean an seoladh chun fáil an iarratais a admháil leat agus mar an príomhfoirm teagmhála a bheidh againn le hiarratasóirí. D'fhéadfaí painéal a chur le chéile óna líonfar folúntas ag leibhéal an chomhairleora amach anseo

Ní mór d'iarratasóirí aird a thabhairt ar an dáta agus ar an am deiridh, a chuirfear i bhfeidhm gan eisceacht.

Spriocdháta na nIarratas

Ní mór iarratais a bheith faighte ar a cúig a chlog tráthnóna Dé hAoine 7 Bealtaine 2021.

NÍ GHLACFAR LE HIARRATAIS DHÉANACHA FAOIN IARRATASÓIR A BHEIDH SÉ A CHRUTHÚ GUR SHROICH AN TIARRATAS AN SEOLADH THUAS IN AM TRÁTHA. Cloífean go docht leis an dáta agus an leis am deiridh d'iarratais;

National Museum of Ireland

Ní bhreithneofar iarratais ar an bpost seo ach amháin ar bhonn na foirme iarratais agus an CV. Iarrfar sonraí triúr teistiméirí má théann an t-iarratasóir ar aghaidh chuig an chuid dheireanach den phróiseas earcaíochta. Dícháileoidh canbhasáil.

Coimeádaí Cúnta Grád II - Roinn Oideachais

Príomhchoinníollacha seirbhíse

Pá

€32,321	€34,650	€35,274	€38,383	€41,502	€44,622	€47,743	€49,670	€51,592
1	2	3	4	5	6	7	8	9
€53,526	€55,447	€57,374	€59,302	€61,224	€63,159	€65,302	€67,440	
10	11	12	13	14	15 NMAX	16 LSI1*	17 LSI2**	

Faoi réir fheidhmíocht shásúil, is féidir go n-íocfar breiseanna ar aon dul le beartas an Rialtais

* Tar éis seirbhís shásúil trí bliana ar a laghad.

** Tar éis seirbhís shásúil sé bliana ar a laghad.

An Tuarastal Tosaigh

Déanfar an ceapachán ar íospointe an scála - **€32,321** sa bhliain. an 1^ú pointe ar scála an Choimeádaí Chúnta Grád II, Scála PPC (2%, **PSSA, Deireadh Fómhair 2020**). D'fhéadfaí an ráta tuarastail a choigeartú ó am go chéile ar aon dul le beartas pá an Rialtais.

Tionacht

I gcáil phromhaidh ar feadh bliana a dhéanfar an ceapachán. Faoi réir na tréimhse promhaidh a bheith sásúil, tairgfear Conradh d'Fhad Éiginnte. D'fhéadfadh ceachtar páirtí an ceapachán a fhorceannadh uair ar bith de réir na nAchtanna um Fhógra Íosta agus Téarmaí Fostaíochta 1973 agus 1991.

Saoire bhliantúil

25 lá sa bhliain an tsaoire bhliantúil sa bhliain ag méadú go 27 lá oibre sa bhliain tar éis seirbhís chúig bliana a bheith tugtha agus 29 lá oibre sa bhliain tar éis deich mbliana seirbhíse. Ar sheachtain oibre cúig lá a bhunaítear an tsaoire seo agus ní chuirtear laethanta saoire bainc san áireamh ann.

Uaireanta oibre

Socrófar na huaireanta oibre ó am go chéile ar aon dul le comhaontuithe lárnaacha ach ní sháróidh siad 43.25 uair chomhlána sa tseachtain (37 nglanúair sa tseachtain). Más gá uaireanta breise a oibriú, ceadófar íocaíochtaí ragoibre, nó am saor in lieu, de réir rialacháin ragoibre na státseirbhíse. Tá uaireanta solúbtha oibre ar fáil ar aon dul le beartas Ard-Mhúsaem na hÉireann ar uaireanta oibre solúbtha.

Dualgais

Ceanglófar aon dualgas atá cuí don phost, agus a d'fhéadfaí a shannadh duit ó am go chéile, a chomhlíonadh. Post lánaimseartha a bheas ann agus ní bheidh aon cheangal agat le haon ghnó lasmuigh a chuirfeadh isteach ar fheidhmiú na ndualgas oifigiúil. Aontaíonn tú tabhairt faoi na dualgais a ghabhann leis an bpost agus glacadh leis na coinníollacha faoina gcaithfead na dualgais a chomhlíonadh.

National Museum of Ireland

Ginearálta

Déantar an ceapachán faoi réir Achtanna Rialaithe na Státseirbhíse, 1956 go 1996, Acht um Bainistíocht na Seirbhíse Poiblí (Earcaíocht agus Ceapacháin) 2004 agus aon acht eile atá i bhfeidhm faoi láthair maidir leis an státseirbhís. Déanfar an ceapachán faoi réir bheartais Ard-Mhúsaem na hÉireann maidir le Cód na gCaighdeán agus na hlompraíochta.

Aoisliúntas agus Scor

Tairgfear na téarmaí agus na coinníollacha cuí aoisliúntais don iarrthóir rathúil, faoi mar atá i réim in Ard-Mhúsaem na hÉireann nuair a thairgtear an ceapachán. I gcoitinne, agus ach amháin i gcás iarrthóirí a d'oibrigh i bpost inphinsin seirbhíse poiblí (téarmaí na scéime neamhaonair) sna 26 seachtain roimh an cheapachán (féach alt d thíos), ciallaíonn sin go dtairgfear an ceapachán bunaithe ar bhallraíocht den Scéim Pinsin Seirbhíse Poiblí Aonair (“An Scéim Aonair”). Is iad seo a leanas príomhfhórlacha bhallraíochta na Scéime Aonair:

a. Aois Inphinsin

Is é 66 an aois íosta ag a mbíonn pinsean iníoctha (ag méadú go 67 agus 68) ar aon dul le hathruithe ar an aois don Phinsean Stáit.

b. Aois Scoir:

Ní mór do bhaill na scéime dul ar scor ag aois 70.

c. Maolú Pinsin

- Má bhí an ceapaí fostaithe roimhe seo sa státseirbhís agus ag fáil pinsin ón státseirbhís, beidh feidhm ag na gnáthrialacha maolaithe. Ach má bhí an ceapaí fostaithe sa státseirbhís roimhe seo agus má bronnadh pinsean air/uirthi faoi shocrúithe luathscóir dheonaigh (seachas an Scéim Luathscóir Dhreasaithe (ISER) nó VER/VRS na Roinne Sláinte faoi Imlitir 7/2010, a chuireann daoine as an áireamh don chomórtas seo, mar a míníodh thuas), beidh deireadh le teidlíocht an duine sin ar an bpinsean sin le héifeacht ó dháta an cheapacháin. Déanfar socruithe speisialta, áfach, chun seirbhís a thug an ceapaí roimhe seo a ríomh chun críocha aon dámhachtain pinsin a bhféadfadh an ceapaí cáiliú dó.
- Má bhí an ceapaí fostaithe roimhe seo sa státseirbhís nó sa tseirbhís poiblí, tabhair ar aird go bhfuil foráil san Acht um Pinsin Seirbhíse Poiblí (Scéim Aonair agus Forálacha Eile) 2012 a leathnaíonn maolú pinsin chuig gach státseirbhíseach nó seirbhíseach poiblí a athfhostaítear fad a bhíonn pinsean seirbhíse poiblí á íoc. Tháinig an fhoráil chun maolú a chur i bhfeidhm sa tseirbhís poiblí i gcoitinne isteach ar an 1 Samhain 2012. **Is féidir go mbeidh impleachtaí pinsin ag an bhforáil sin do dhuine ar bith a cheaptar sa phost seo agus atá ag fáil pinsin státseirbhíse nó seirbhíse poiblí nó a bhfuil pinsean státseirbhíse nó seirbhíse poiblí caomhnaithe aige/aici, pinsean a thosófar a íoc laistigh dá t(h)rémhse fostaíochta sa phost seo.**
- **Imlitir 102/2017 maidir le Scéim Luathscóir na Roinne Oideachais agus Scileanna do Mhúinteoirí**
Thug an Roinn Oideachais agus Scileanna Scéim Luathscóir isteach do Mhúinteoirí. Is coinníoll é den Scéim Luathscóir, ach amháin sna cásanna atá leagtha amach i bparagraif 10.3 agus 10.3 de na himlitreacha cuí, agus sna cásanna sin amháin, má ghlacann múinteoir le luathscóir faoi **Shnáithe 1, 2 nó 3** den scéim seo agus go bhfostaítear é nó í i gcáil ar bith in aon réimse den earnáil poiblí, **cuirfeadh deireadh láithreach** le hÍoc aon phinsin leis an duine sin. Atosófar na híocaíochtaí pinsin ar chríoch na fostaíochta sin nó ar 60ú breithlá an duine sin, cibé acu is déanaí, ach ar a atosú, bunófar an pinsean ar sheirbhís inríofa iarbhír an mhúinteora sin (.i. ní

National Museum of Ireland

chuirfear na blianta breise a deonaíodh roimhe sin san áireamh agus an íocaíocht pinsin á ríomh).

- **Scor de dheasca easláinte** I gcás ina dtéann duine ar scor ó chomhlacht Státseirbhíse nó Seirbhíse Poiblí ar chúiseanna easláinte is féidir go mbeidh a p(h)insean ón bhfostaíocht sin faoi réir athbhreithniú de réir rialacha an scoir easláinte atá mar chuid de scéim pinsin na fostaíochta sin.

d. Iarsheirbhísigh Phoiblí

Cé gurb é ballraíocht sa Scéim Aonair na téarmaí réamhshocraithe pinsin, mar atá leagtha amach sna paragraif roimhe seo, is féidir nach mbeidh feidhm aige seo maidir le ceapaithe áirithe. Tugtar gach coinníoll a rialaíonn cibé an mbaineann seirbhíseach poiblí leis an Scéim Aonair nó nach mbaineann san Acht um Pinsin Seirbhíse Poiblí (Scéim Aonair agus Forálacha Eile) 2012. Ach is é an príomhchás eisceachta (i gcomhthéacs an chomórtais seo agus i gcoitinne) nach gnách go mbainfeadh **duine a d'oibrigh i gcáil inpinsin (téarmaí nach téarmaí na scéime aonair iad) sa tseirbhís poiblí laistigh de 26 seachtain de dhul i mbun oibre, leis an Scéim Aonair**. I gcás mar sin is amhlaidh go dtairgfaí ballraíocht sa scéim pinsin do státseirbhísigh neamhbhunaithe (“Scéim Pinsin d’Fhostaithe Stáit Neamhbhunaithe”) d’iarrthóir mar sin. Chiallóidh sé sin go mbeadh feidhm leis na forálacha maolaithe ag (c) thuas, agus anuas ar sin bheadh impleachtaí ann maidir le fabhrú pinsin mar a mhínítear thíos:

e. Fabhrú Pinsin

Bheadh feidhm le teorainn 40 bliain ar an tseirbhís iomlán a bheadh inríoifa i leith pinsin i gcás ina raibh an duine sin ina bhall de níos mó ná scéim pinsin seirbhíse poiblí amháin. Tháinig an teorainn 40 bliain, a bhforáiltear dó san Acht um Pinsin Seirbhíse Poiblí, 2012, isteach ar an 28 Iúil 2012. **Is féidir go mbeidh impleachtaí aige sin d’aon cheapaí a bhfuil cearta pinsin faighte aici/aige i bhfostaíocht seirbhíse poiblí roimhe seo.**

f. Asbhaint maidir le Pinsean

Déantar an ceapachán seo faoi réir asbhaint maidir le pinsean de réir an Achta um Bearta Éigeandála Airgeadais ar mhaithe le Leas an Phobail 2009. Gheofar tuilleadh eolais i dtaobh Scéim Pinsin na Seirbhíse Poiblí do sheirbhísigh poiblí ag: <http://www.per.gov.ie/pensions>

Saoire bhreiteachta

Is féidir pá iomlán le linn saoire bhreiteachta le deimhniú cuí, ar choinníoll nach bhfuil aon fhianaise ann ar éagumas buan chun seirbhíse, a cheadú suas go 92 lá sa bhliain agus ar leathphá ina dhiaidh sin, faoi réir 183 d’uaslíon laethanta breiteachta in aon tréimhse cheithre bliana nó faoina bhun.

Iarrfar ar an gceapaí sainordú a shíniú lena n-údarófar don Roinn Coimirce Sóisialaí chun aon sochair atá dlíte faoi na hAchtanna Leasa Shóisialaigh a íoc go díreach le hArd-Mhúsaem na hÉireann agus beidh íocaíocht le linn na breiteachta faoi réir oifigigh a dhéanfaidh na héilimh riachtanacha ar shochar árachais shóisialaigh chuig an Roinn Coimirce Sóisialaí laistigh de na teorainneacha ama i dtrácht.

Rúndacht oifigiúil agus ionracas

Beidh an ceapaí faoi cheangal ag forálacha an Achta um Rúin Oifigiúla 1963, arna leasú ag an Acht um Shaoráil Faisnéise, 1997. Aontóidh an ceapaí gan aon eolas rúnda, go háirithe eolas tráchtála, a nochtadh do thríú páirtithe le linn nó tar éis an téarma fostaíochta.

Réamhcheadú foilseachán

National Museum of Ireland

Ní aontóidh an ceapaí ábhar maidir le dualgais oifigiúla a fhoilsiú gan chead roimh ré ó Stiúrthóir Ard-Mhúsaem na hÉireann.

Gníomhaíocht pholaitiúil

Le linn thréimhse na fostaíochta, beidh an ceapaí faoi réir rialacha a rialaíonn státseirbhísigh agus an pholaitíocht.

Sonraí breise

Gheofar forálacha maidir le téarmaí agus coinníollacha eile, ar nós catagóirí saoire (saoire mháithreachais, uchtála agus sláinte agus sábháilteachta san áireamh), a bhféadfadh cuid nó gach ceann díobh a bheith ábhartha maidir leis an gceapaí, leagtha amach in imlitreacha ar www.personnelcode.gov.ie.

Níl anseo ach treoir. Eiseofar na téarmaí agus na coinníollacha iomlána mar chuid den chonradh fostaíochta.